



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

**Parisiis, 1644**

Epistola CLXVIII. Ioannis Papae VIII. Ad Pandenvlfvm Comitem. Rogat vt  
legatis imperatoris per eius regionem transituris auxilium praestet.  
condolet de Paganorum in eum incursione. excusat se cur ad ...

**urn:nbn:de:hbz:466:1-15967**

Rogat vt legatis imperatoris per eius regionem transituris auxilium præstet. condolet de Paganorum in eum incurfione. excusat se cur ad eum non eat. hortatur vt fit animo forti, promittitque subsidium.

*Dilecto viro Pandenulfo glorioso † comiti.*

† comiti  
Capuano,  
vt ex fe-  
quenti epi-  
stola con-  
stat. eius  
meminit  
Leo in  
Chronico  
Cassinenfi  
lib. 1. c. 45.

**M**ULTIPLICES nobilitati vestræ his nostri præfultus apicibus gratias agimus, quia vestram deuotionem atque dilectionem, quam nostræ voluntatis præceptis parendo alacriter ostendistis, in omnibus sinceram & obedientem fore incunctanter agnoscimus, cum præsentem hunc Græcum imperialis baiuli hominem nostris direxistis obtutibus præsentandum incolumem. Sed quia imperiales missi, ceu in ipsius baiuli reperimus literis, per vos transituri sunt: quatenus ad nostram apostolicam præsentiam veniant, petimus nobilitatem vestram, vt pro nostro amore, & ipsos vestro auxilio munitos, prospero, annuente Domino, nobis itinere dirigatis. Quod autem multiplicitate Paganorum incurfione vos grauatos affertis, condolemus; maxime quia vestri conciuues circumquaque positi cum eisdem perditionis filiis foedus inire procurant: quamobrem nostram his vestris in partibus necessario præsentiam præstolamini affuturam. Nos vero sicut iam pridem mandauimus, pro communi dumtaxat utilitate atque salute, omni annixu venire magnopere cupimus, quamuis & de assidua corporis incommoditate, & de peracto iam Franciæ itinere adhuc maneamus defessi. Nunc igitur ante prædictorum imperialium missorum aduentum illuc properare nequimus: cum vero eorum legationem nobis delatam congruis, Deo propitio, responfionibus vtentes audierimus; tunc quid utilius agendum sit, pro viribus agere omnino curabimus. Vos tamen in Domino confidentes animo estote constanti, qui non deserit confidentes in se, vt inter ceteros vestros proximos atque vicinos efficaciores, ac potiores in omnibus appareatis: quoniam nostro apostolico vos præsidio, prout

opportunitate fuerit, quasi carissimos filios adiuuabimus.  
Data, vt supra.

## EPISTOLA CLXIX.

## IOANNIS PAPÆ VIII.

AD GREGORIUM PRIMICERIVM.

Commendat eius studium erga ecclesiam & imperatores. significat se ad Constantinopolitanæ ecclesiæ perturbationes sedandas paratum esse. ostendit imperatoris legatos honorifice se excepturum, quos etiam a comite Capuano recipi, & ad se mitti iam antea mandarat.

*Dilecto viro Gregorio glorioso primicerio, & imperiali baiulo.*

**L**ITERIS tuis, quas nobis per Stephanum candidatum fidelem tuum direxisti, relectis, deuotionis tuæ sinceritatem & fidem, quam circa ecclesiam Dei, & gloriosissimos imperatores habes Augustos, enucleatius agnoscences, plurimum collaudamus. Et ideo sacris orationibus nostris, sicut supplici voto postulasti, te Domino commendare, vt & a visibilibus & inuisibilibus securus, ac victor existas, omnino studemus. Et quia magno imperatori tuo ecclesiam Dei pacificari volenti, nos vt fauere debeamus hortaris; id iuxta nostri officii magisterium prompta dumtaxat agere voluntate diuinitus adiuti curamus: quoniam, dicente Apostolo, ecclesiarum Dei omnium nobis sollicitudo incumbit. Quapropter more prædecessorum nostrorum pontificum, Constantinopolitanam ecclesiam multiplicibus scandalis nunc perturbatam, prout iustum est atque possibile, sedare volumus, & pacem perpetuam stabilire. Præterea legati imperiales, quos ad nostra apostolica fastigia dicis esse directos, si venerint, competenti a nobis recipientur honore, & Augustalem per eos nobis delatam legationem clementer recipiemus; atque ipsius legationis textum, & ordinem cognoscentes, vna cum sedis apostolicæ nobis commissæ assensu, quantum fas est, pro ecclesiæ Dei pace imperiali voluntati fauere omnino studebimus. Pro quibus etiam missis, Pandenulfo Capuano comiti scripsimus, vt eos venientes recipiat, & pro nostro amore prospero nobis itinere, Domino annuente, dirigere studeat. Nunc ergo iidem missi præfentialiter Romam